



Broj: 12-27-8137-56/18
Zenica, 05.03.2019. godine

Na osnovu člana 24. Zakona o cestovnom prijevozu Federacije Bosne i Hercegovine („Službene novine Federacije Bosne i Hercegovine“, broj 28/06 i 2/10) i člana 200. Zakona o upravnom postupku („Službene novine Federacije Bosne i Hercegovine“, broj 2/98 i 48/99), Ministarstvo za prostorno uređenje, promet i komunikacije i zaštitu okoline Zeničko-dobojskog kantona donosi

RJEŠENJE

I

Utvrđuje se Registar redova vožnje na kantonalnim autobusnim linijama za period 2019-2022. godina.

II

Redovi vožnje upisani u Registar iz tačke I ovog rješenja dana 05.03.2019. godine stupaju na snagu dana 14.03.2019. godine.

III

Rješenje stupa na snagu danom donošenja.

IV

Rješenje će se objaviti na web stranici www.zdk.ba.

Obrazloženje

Nakon okončanog postupka usklađivanja redova vožnje na kantonalnim autobusnim linijama na području Zeničko-dobojskog kantona, Ministarstvo za prostorno uređenje, promet i komunikacije i zaštitu okoline Zeničko-dobojskog kantona je u skladu sa odredbama člana 24. Zakona o cestovnom prijevozu Federacije Bosne i Hercegovine izvršilo dana 05.03.2019. godine registraciju usklađenih redova vožnje sa rokom važenja do 05.03.2022. godine.

Imajući u vidu da je odredbama člana 31. Zakona o cestovnom prijevozu Federacije Bosne i Hercegovine propisana obaveza prijevozniku da registrovani red vožnje dostavi autobusnoj stanici na kojoj je je tim redom vožnje predviđen ulazak odnosno izlazak putnika, najmanje 5 dana prije njegovog stupanja na snagu, Ministarstvo za prostorno uređenje, promet i komunikacije i zaštitu okoline Zeničko-dobojskog kantona je utvrdilo da redovi vožnje registrovani i upisani u Registar dana 05.03.2019. godine stupaju na snagu dana 14.03.2019. godine.

Dostavljeno:

1 x prijevoznici upisani u Registar,
2 x a/a.

